



Na osnovu člana 33. Statuta Općine Stari Grad Sarajevo („Službene novine Kantona Sarajevo“, broj: 20/24) i člana 8. Pravilnika o organizovanju sportskih liga i turnira učenika osnovnih škola na području Općine Stari Grad Sarajevo broj: 02-45-665/24 od 31.07.2024. godine, Općinski načelnik putem Službe za obrazovanje, kulturu, sport i mlade Općine Stari Grad Sarajevo, raspisuje:

**JAVNI POZIV**  
**za odabir udruženja/fondacije – partnera za organizaciju**  
**Liga osnovnih škola za školsku 2024/2025. godinu**

**I - PREDMET JAVNOG POZIVA**

Predmet ovog Javnog poziva je odabir udruženja/fondacije – partnera za organizaciju Liga osnovnih škola za školsku 2024/2025. godinu iz oblasti kako slijedi:

1. Košarkaška liga za djevojčice i dječake – kombinovano za učenike osnovnih škola od I do VI razreda;
2. Odbojkaška liga za učenike osnovnih škola - djevojčice od V do IX razreda;
3. Nogometna liga za učenike osnovnih škola - dječaci od V do IX razreda.

**II – OPĆI USLOVI ZA DODJELU FINANSIJSKIH SREDSTAVA ZA REALIZACIJU**  
**LIGA OSNOVNIH ŠKOLA**

Pravo učešća na Javnom pozivu za dodjelu sredstava za realizaciju Liga osnovnih škola imaju udruženja i fondacije registrovane u Bosni i Hercegovini uz ispunjavanje općih kriterija u skladu sa važećim zakonskim propisima kako slijedi:

- da je projekat usmjeren na aktivnosti i djelatnosti na području Općine Stari Grad Sarajevo;
- da se projektima doprinosi realizaciji ciljeva i prioriteta, koje je Općina odredila kroz relevantne strateške dokumente;
- da se projektne aktivnosti implementiraju isključivo na području Općine Stari Grad Sarajevo;
- opravdana finansijska sredstava koja su dodijeljena za projekte udruženja/fondacije za prethodne godine iz Budžeta Općine Stari Grad Sarajevo, ukoliko su ista bila dodijeljena.

**III – POSEBNI USLOVI ZA DODJELU FINANSIJSKIH SREDSTAVA ZA REALIZACIJU**  
**LIGA OSNOVNIH ŠKOLA**

Pored općih kriterija utvrđenih u tački II, utvrđuju se i posebni kriteriji:

- ekonomska ili društvena opravdanost projekta, čije finansiranje se predlaže;
- broj korisnika obuhvaćenih projektom;



- efekti projekta, koji su evidentni i mjerljivi na populaciji koju zastupa.

#### **IV – DOKUMENTACIJA KOJOM SE DOKAZUJU OPĆI I POSEBNI USLOVI**

Uz popunjenu aplikaciju koja je sastavni dio javnog poziva, za prijavu na isti, aplikant je obavezan dostaviti sljedeću dokumentaciju (potpisane akte, originale ili ovjerene kopije) kako slijedi:

1. Projektni prijedlog (obrazac br. 1);
2. Pregled budžeta (obrazac br. 2);
3. Kopiju važećeg rješenja o registraciju udruženja/fondacije BiH (za nosioca projekta/aplikanta);
4. Kopija statuta udruženja/fondacije;
5. Kopiju Uvjerenja o poreznoj registraciji – ID broj;
6. Ovjerena kopija završnog godišnjeg finansijskog izvještaja za prethodnu godinu (dokument bilans stanja i bilans uspjeha);
7. Dokaz o prethodno organizovanim turnirima/ligama.

Svaki učesnik u javnom pozivu bit će pismeno obaviješten o rezultatima izbora, najkasnije u roku od 30 dana od dana izbora partnera za organizaciju Liga osnovnih škola.

#### **V – NAČIN I ROK PODNOŠENJA PRIJAVA**

Ovaj Javni poziv se objavljuje na web stranici Općine Stari Grad Sarajevo.

Rok za podnošenje prijave je 8 (osam) dana od dana objave Javnog poziva.

Prijava sa neophodnom dokumentacijom se podnosi na propisanom obrascu koji se može preuzeti u šalter sali Općine Stari Grad Sarajevo, šalter broj 4 i/ili na web-stranici Općine [www.starigrad.ba](http://www.starigrad.ba)) na protokol Općine ili putem pošte na adresu:

**Općina Stari Grad Sarajevo**  
**Služba za obrazovanje, kulturu, sport i mlade**  
**(sa naznakom: JAVNI POZIV za odabir udruženja/fondacije – partnera za organizaciju**  
**Liga osnovnih škola za školsku 2024/2025. godinu**  
**Ulica Zelenih beretki broj 4**  
**71000 Sarajevo**

#### **VI – REZULTATI JAVNOG POZIVA**

Općinski načelnik nakon usvajanja budžeta za tekuću godinu, a prije raspisivanja javnog poziva iz člana 8. Pravilnika imenuje Komisiju za postupanje po aplikacijama pristiglim na Javni poziv za izbor partnera i dodjelu sredstava za realizaciju Liga osnovnih škola na području Općine Stari Grad Sarajevo.

Svaki učesnik u javnom pozivu bit će pismeno obaviješten o rezultatima izbora najkasnije u roku od 30 dana od dana izbora.

Općinski načelnik na osnovu preporuke Komisije donosi Odluku o dodjeli sredstava kojom odobrava dodjelu sredstava za realizaciju liga osnovnih škola za tekuću školsku godinu i ista se isplaćuju u skladu sa budžetom.

Na osnovu Odluke Općinskog načelnika, sa izabranim udruženjem/fondacijom zaključuje se ugovor o dodjeli sredstava kojim se regulišu međusobna prava i obaveze između aplikanta i Općine Stari Grad Sarajevo.

Nepotpune i neblagovremene prijave neće se uzeti u razmatranje.

Za sve dodatne informacije kandidati se mogu obratiti Službi za obrazovanje, kulturu, sport i mlade na brojeve telefona:

033/282-324

033/282-365

033/282-377

**OPĆINSKI NAČELNIK**

**Irfan Čengić**

Broj: 01-04-4-2255/24

Datum: 02.08.2024. godine